

სამართლის დეპარტამენტი

ბათუმის შოთა რუსთველის სახელმწიფო უნივერსიტეტის სამართლის დეპარტამენტი დაარსდა 2006 წელს იურიდიულ მეცნიერებათა დეპარტამენტის სახელწოდებით. იგი იურიდიული და სოციალურ მეცნიერებათა ფაკულტეტის სტრუქტურული ერთეულია. ბათუმის შოთა რუსთველის სახელობის სახელმწიფო უნივერსიტეტის იურიდიული ფაკულტეტი, რომლის სახეცვლილ ვარიანტსაც წარმოადგენს სამართლის დეპარტამენტი, სამართალმცოდნეობის სპეციალობის სახით 1991 წელს დაფუძნდა, ბათუმის დამოუკიდებელი უნივერსიტეტის (რექტორი პროფ. ნური ვერძაძე) ისტორია-ფილოლოგიის ფაკულტეტზე (დეკანი პროფ. მამია ფალავა). 1992 წელს, სამართალმცოდნეობის სპეციალობის ბაზაზე, ბათუმის დამოუკიდებელ უნივერსიტეტში დაარსდა იურიდიული ფაკულტეტი, რომელსაც დაარსებიდან 2004 წლამდე ხელმძღვანელობდა დოცენტი მურმან გორგოშაძე. სწორედ მასსა და მასთან ერთად იმ დროისათვის დეკანატში მომუშავე თანამშრომლებზე (დეკანის მოადგილე იზოლდა ავალიანი და შემდგომში ომარ ფარტენაძე, მდივნები: მარინა კვანტალიანი და ლალი ბაგრატია) გადადიოდა ახლად დაარსებული ფაკულტეტის ჩამოყალიბებასთან დაკავშირებული სიმნელები. ახლად ჩამოყალიბებულ ფაკულტეტზე გამოიკვეთა საქმიანობის შემდეგი ძირითადი მიმართულებები: მაღაკვალიფიციური იურიდიული კადრების შერჩევა, მოზიდვა და ფაკულტეტზე დასაქმება; შესაბამისი სახელმძღვანელოებითა და ლიტერატურით ფაკულტეტის მომარაგება; სასწავლო დისციპლინებში პროგრამებისა და მეთოდური მასალების მომზადება-გამოცემა.

ბათუმის შოთა რუსთველის სახელობის სახელმწიფო უნივერსიტეტის იურიდიული ფაკულტეტი ოთხი კათედრისაგან შედგებოდა, ფაკულტეტის ძირითად კათედრას, რომელსაც შემდეგ გამოეყო სხვა კათედრები, წარმოადგენდა სისხლისა და სამოქალაქო სამართლის კათედრა, რომელსაც დაარსებიდან ხელმძღვანელობდა გამოცდილი იურისტი, მაშინდელი აჭარის ავტონომიური რესპუბლიკის უმაღლესი სასამართლოს თავმჯდომარის მოადგილე, ამჟამად წარმატებული ადვოკატი ვაჟა ხახუტაიშვილი. სწორედ მისი ძალისხმევით დაკომპლექტდა ფაკულტეტი დამსახურებული სწავლული და პრაქტიკოსი იურისტებით. ლექციების წასაკითხად მოწვეული იქნენ პროფესორები: ბესარიონ ზოიძე, ასლან აბაშიძე, ბადრი ნაკაშიძე, პრაქტიკოსი იურისტები: ვაჟა კვარაცხელია, დავით თამაზაშვილი, გოდერძი ბორჩხაძე, თემურ წულუკიძე, დავით კეკელიძე, რაჟდენ დიასამიძე, თემურ ქათამაძე, გივი დიასამიძე, ოთარ ქათამაძე, გიორგი ახალაია, ამირან ნაკაშიძე, თამაზ ბაზიაშვილი, ზურაბ აბაშიძე, ცარო სურგულაძე, ლეილა შეწირული, შუშანა კვაჭანტირაძე, ნარგიზ გვარიშვილი, თინა იმნაძე და სხვები.

დაარსებისთანავე და მომდევნო პერიოდში იურიდიულ ფაკულტეტს (ამჟამად სამართლის დეპარტამენტს), გვერდში ედგა ივ. ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი, რომელმაც მართლაც „დედა უნივერსიტეტის“ ფუნქცია შეასრულა ჩვენი ფაკულტეტისათვის. ფაკულტეტს მოეწოდებინა სახელგანთქმული პროფესორ-მასწავლებლები: ვალერი ლორია, რეზო ჭოლოშვილი, შოთა ფაფიაშვილი, აპოლონ ფალიაშვილი, ოთარ მელქაძე, გოგი თოდრია, გიორგი ხუროშვილი, ზურა ძლიერიშვილი, გია ლილუაშვილი, მარინა ცისკაძე და სხვები.

უდავოდ დიდია იურიდიული ფაკულტეტის ჩამოყალიბების პირველ ეტაპზე დასაქმებულ პროფესორ-მასწავლებელთა წვლილი ფაკულტეტის

ჩამოყალიბება-განვითარების საქმეში. პრაქტიკულად მათ გაავლეს ფაკულტეტის შემდგომი წინსვლის პირველი ხნული.

გამოცდილ და ცნობილ იურისტებთან ერთად ფაკულტეტს თანდათან შემოემატნენ ახალგაზრდა მასწავლებლები და გამოცდილი სპეციალისტები: იზოლდა ავალიანი, ომარ ფარტენაძე, ლამზირა ბოლქვაძე, ნინო ვაშაყმაძე, კახა ფალავანდიშვილი, რამაზ ბოლქვაძე, თენგიზ გორგოშაძე, ზვიად ვალიშვილი, თემურ ცეცხლაძე, მაია ჭყონია, ლამზირა ბოლქვაძე, ასლან ჭანიძე, მალხაზ დიასამიძე, როლანდ გოგიტიძე, ჯიმშერ ირემიძე, ლეილა ჭედია, მერაბ იაკობაძე, ბესო ბერიძე, ნუგზარ ზოსიძე, ჯემალ კარალიძე, ხათუნა კალანდარიშვილი, ზაზა რუხაძე, ედიშერ მახარაძე, თამარ სირია, ნინო წულუკიძე, მალხაზ აბულაძე, ნინო ვაშაყმაძე, თამაზ ბერიძე, თემურ ქათამაძე, სვეტლანა ლოგუა, ლინდა შალამბერიძე, ხათუნა ვარშანიძე, გელა თავდგირიძე, რამაზ ბოლქვაძე გიორგი მურვანიძე და სხვები.

ყოფილი იურიდიული ფაკულტეტი და ეხლანდელი სამართლის დეპარტამენტი, განსაკუთრებული სიყვარულითა და პატივისცემით მოიხსენიებს სამართალმცოდნეობის სპეციალობაზე მოღვაწე აწ გარდაცვლილ მასწავლებლებს: *ოთარ ქათამაძე, ჯვარცხელია, ქრეზო ჭოლოშვილი, ჭმოთა ოქროპირიძე, ჭიორგი ახალაია, ქთენგიზ გორგოშაძე, ჭირაკლი მახარაძე, ჭამირან ნაკაშიძე, ჭრაყდენ დიასამიძე, ჭდავით თამაზაშვილი, ჭვლადიმერ მკერვალიშვილი, ჭთამაზ ბაზიაშვილი, ჭგივი დიასამიძე*, რომლებიც საკმაოდ რთულ პერიოდში, მინიმალური გასამრჯელოს ფასად, პირნათლად ემსახურნენ სტუდენტების აღზრდასა და იურისპუდენციაში გზის გაკვლევას. ყველა მათგანის ნათელი ხსოვნა მთელი საქართველოს მასშტაბით მიმოფენილი ჩვენი ის სტუდენტებია, რომლებიც მათ ლექციებს ისმენდნენ. განსაკუთრებით გულშიჩამწვდომია, ბატონი ოთარ ქათამაძის გარდაცვალება, იგი ჩვენი უნივერსიტეტის ეხლანდელ 65-ე აუდიტორიაში, ლექციის კითხვის დროს, კათედრასთან გარდაიცვალა.

ღმერთო, ყოვლადძლიერო, ნათელში ამყოფე მათი სულები!

1994 წელს ფაკულტეტზე დაარსდა სახელმწიფოსა და სამართლის თეორიისა და ისტორიის კათედრა. კათედრას დაარსებიდან ხელმძღვანელობდა იურიდიულ მეცნიერებათა კანდიდატი ნუგზარ ფუტკარაძე. ახლადჩამოყალიბებულ კათედრაზე მუშაობდნენ თეორიული ცოდნისა და პრაქტიკული გამოცდილებით გამორჩეული ლექტორ-მასწავლებლები: იურიდიული ფაკულტეტის დეკანი დოცენტი მურმან გორგოშაძე; იმხანად საქართველოს ახალგაზრდა იურისტთა ასოციაციის აჭარის ფილიალის ხელმძღვანელი ზაზა რუხაძე, რომლსაც მიჰყავდა სალექციო კურსი სახელმწიფო (კონსტიტუციური) სამართალში და ბათუმში მოღვაწეობისას გამოსცა სახელმძღვანელო „საქართველოს კონსტიტუციური სამართალი“ (ბათუმი 1999წ.), დიდია მისი წვლილი ფაკულტეტის სპეციალური იურიდიული ლიტერატურით მომარაგების საქმეში; ისტორიის მეცნიერებათა კანდიდატები ნუგზარ ზოსიძე, ჯემალ კარალიძე; პროფესორი ოთარ გოგოლიშვილი; ბესიკ ბერიძე; ქალაქ ბათუმის სასამართლოს მოსამართლე ჯუმბერ ბეჟანიძე; ახალგაზრდა მასწავლებლები მერაბ იაკობაძე, მაია ჭყონია, ზვიად ვალიშვილი, ხათუნა კალანდარიშვილი; გამოცდილი სპეციალისტები ვლადიმერ მკერვალიშვილი, ლეილა ჭედია და სხვები.

კათედრას თანდათან შემოემატნენ მასწავლებლები: ასლან ჭანიძე, არჩილ ვარშალომიძე, ლევან ლორთქიფანიძე, თემურ ცეცხლაძე, ნათია სვანიძე, მალხაზ ნაკაშიძე, ნანა მანჯგალაძე, დავით გაბაიძე, ია შალამბერიძე, ვადიდ ახუნდოვი, თამარა ლომაძე და სხვები.

2002 წელს სახელმწიფოსა და სამართლის თეორიისა და ისტორიის კათედრა გაიყო ორ – სახელმწიფო (კონსტიტუციური) სამართლისა და სამართლის თეორიისა და ისტორიის კათედრად. სახელმწიფო (კონსტიტუციური) სამართლის კათედრას ლიკვიდაციამდე (2006წ.) ხელმძღვანელობდა ასოც. პროფესორი ნუგზარ ფუტყარაძე, კათედრის ლაბორანტი იყო ზაზა მაქაძე, ხოლო სამართლის თეორიისა და ისტორიის კათედრას, ასევე ლიკვიდაციამდე (2006წ.) ხელმძღვანელობდა ასოც. პროფესორი მურმან გორგოშაძე, კათედრის ლაბორანტი იყო ნანი მჟავანაძე.

იურიდიული მეცნიერების ერთ-ერთი სპეციფიკური დარგია საერთაშორისო სამართალი. აქედან გამომდინარე თავიდანვე უდიდესი მნიშვნელობა მიენიჭა საერთაშორისო სამართლის სწავლებას მომავალი იურისტების ფორმირების საქმეში. სწორედ ამ გარემოების გათვალისწინებით 1997 წელს გამოცხადდა მიღება საერთაშორისო სამართლის სპეციალობაზე და დაარსდა საერთაშორისო სამართლის კათედრა, რომელსაც ჩამოყალიბებისთანავე ხელმძღვანელობდა მოსკოვის საერთაშორისო სამართლის ინსტიტუტის მაშინდელი ასპირანტი, იურისტის 20-წლიანი პრაქტიკული სტაჟის მქონე საერთაშორისო სამართლის მაგისტრი როსტომ გუნთაიშვილი, რომელმაც 1999 წელს I - ის უნივერსიტეტში (ბუდაპეშტი) მიიღო საერთაშორისო კომერციული ხელშეკრულების სამართლის ექსპერტის სერთიფიკატი. ახალჩამოყალიბებულ კათედრაზე მასწავლებლად მუშაობდნენ საერთაშორისო სამართლის მაგისტრები: გელა თავდგირიძე და ირაკლი მახარაძე, ახალგაზრდა იურისტები მალხაზ აბულაძე და გიორგი მურვანიძე. კათედრის ლაბორანტები იყვნენ მალხაზ დიასამიძე და ინგა ბოლქვაძე. კათედრამ 1999 წლიდან დაიწყო საერთაშორისო ჰუმანიტარული სამართლისა და ევროპული სამართლის სწავლება, რაც ამ საგნების სწავლების ერთ-ერთ პირველ ცდას წარმოადგენდა საქართველოში.

ფაქტობრივად აღნიშნული ამ ოთხი კათედრის ბაზაზე 2006 წელს შეიქმნა იურიდიულ მეცნიერებათა დეპარტამენტი, რომელსაც დაარსებიდან 2008 წლამდე ხელმძღვანელობდა პროფესორი ომარ მახარაძე, სპეციალისტი – ნათია ფაცია. 2008 წლიდან 2013 წლამდე იურიდიული მეცნიერების დეპარტამენტს ხელმძღვანელობდა, პროფესორი მურმან გორგოშაძე. 2013 წლიდან იურიდიულ მეცნიერებათა დეპარტამენტის სახელწოდება შეიცვალა სამართლის დეპარტამენტით (ფაკულტეტის საბჭოს გადაწყვეტილების საფუძველზე) და მას ხელმძღვანელობს ასოცირებული პროფესორი ომარ ფარტენაძე.

სამართლის დეპარტამენტში 2009-2011 წწ. სრული პროფესორის თანამდებობა ეჭირა იურიდიულ მეცნიერებათა დოქტორს, თბილისის ივანე ჯავახიშვილის სახელმწიფო უნივერსიტეტის პროფესორ **ბესარიონ ზოიძეს**, რომელიც 1982 წლიდან თინათინ წერეთლის სახელობის სახელმწიფოსა და სამართლის ინსტიტუტის ჯერ უფროსი მეცნიერ მუშაკია, შემდეგ მთავარი მეცნიერ მუშაკი და კერძო სამართლის განყოფილების გამგე, დირექტორის მოადგილე სამეცნიერო მუშაობის დარგში, დირექტორი. 1999-2009 წწ. საქართველოს საკონსტიტუციო სასამართლოს წევრი, პირველი კოლეგიის თავმჯდომარე, საკონსტიტუციო სასამართლოს თავმჯდომარის მოადგილე. გამოქვეყნებული აქვს მრავალი სამეცნიერო ნაშრომი, მათ შორის აღსანიშნავია: „ქართული სანივთო სამართალი“ (თბილისი, 2003), „ევროპული კერძო სამართლის რეცეპცია საქართველოში“, (თბილისი, 2005) „საკონსტიტუციო კონსტროლი და ღირებულებათა წესრიგი საქართველოში“ (თბილისი, 2007), „ქართული სამართალი, როგორც ევროპული სამართლის ნაწილი

(ისტორიულ–სამართლებრივი ასპექტი)”, „საკუთრების უფლება და მისი დაცვა ეროვნული კანონმდებლობის მიხედვით” და სხვა.

სამართლის დეპარტამენტში ჯერ ასოცირებული (2006-2009წწ.), ხოლო შემდეგ სრული პროფესორის (2009-2010წწ.) რანგში მოღვაწეობდა იურიდიულ მეცნიერებათა კანდიდატი **რაჟდენ ფუტკარაძე**, რომელიც 2004 წლიდან მოღვაწეობს იურიდიულ ფაკულტეტზე, იგი ამჟამად ჩვენი უნივერსიტეტის ემერეტუსი პროფესორია და პარალელურად პედაგოგიურ საქმიანობას ეწევა ბათუმის დამოუკიდებელ უნივერსიტეტსა და წმინდა ტბელ აბუსერიძის სახელობის უნივერსიტეტში. გამოქვეყნებული აქვს 20-ზე მეტი სამეცნიერო ნაშრომი, მათ შორის ორი დამხმარე სახელმძღვანელო.

სამართლის დეპარტამენტის წინაშე დასმულ ძირითად ამოცანას წარმოადგენს სამართალმცოდნეობის საბაკალავრო და სამაგისტრო პროგრამების წარმატებული განხორციელება.

აღნიშნული საგანმანათლებლო პროგრამები ხორციელდება უნივერსიტეტის მატერიალურ-ტექნიკური ბაზის გამოყენებით. დეპარტამენტი სარგებლობს უნივერსიტეტის სასწავლო-კომპიუტერული კლასებით, სასწავლო და სამეცნიერო ბიბლიოთეკით, საქართველოს ახალგაზრდა იურისტთა ასოციაციისა (ბათუმის ფილიალი) და ბათუმის საჯარო ბიბლიოთეკით. ასევე სამართლის დეპარტამენტს გააჩნია: პროგრამებით გათვალისწინებული კურსების შესწავლისათვის აუცილებელი სპეციალური და მონათესავე ლიტერატურა; იურიდიული კლინიკები; კრიმინალისტიკის კაბინეტ-ლაბორატორია, მოქმედებს საიმიტაციო სასამართლო დარბაზი; დაარსებულია სამართალმცოდნეობის სპეციალობის სტუდენტის ბიბლიოთეკა.

დეპარტამენტში დასაქმებული პროფესორ-მასწავლებლების სამეცნიერო კვლევითი საქმიანობის ძირითად მიმართულებებს წარმოადგენს: სამართლის თეორიულ-ფილოსოფიური პრობლემები; სახელმწიფოს ტერიტორიულ მოწყობასთან დაკავშირებული პრობლემები; საერთაშორისო თანამშრომლობის სამართლებრივი ასპექტები; ინდივიდის სამართლებრივი მდგომარეობა და მათი უფლებების პატივისცემისა და დაცვის საკითხები; თანამედროვე გლობალიზაციისა და საერთაშორისო მართლწესრიგის აქტუალური საკითხები; ადმინისტრაციული სამართლისა და ადმინისტრაციული საპროცესო სამართლის პრობლემები; კერძო და სისხლის სამართლის პრობლემები, სასჯელთაღსრულების ეფექტურობის ძირითადი საკითხები, კრიმინალისტიკის თანამედროვე მიღწევები და სხვა.

სამართლის დეპარტამენტის წინაშე დასმული ამოცანების განხორციელებას უზრუნველყოფს დეპარტამენტის აკადემიური პერსონალი შემდეგი შემადგენლობით:

სამი პროფესორი:

მურმან გორგოშაძე, 1987 წლიდან ბათუმის შოთა რუსთაველის სახელობის სახელმწიფო უნივერსიტეტის ლექტორია, 1987-1993წწ. ეკავა მასწავლებლის, ხოლო 1993-2006წწ. დოცენტის თანამდებობა, 2006-2010წწ. აოსიცრებული პროფესორია. 2011 წლიდან სრული პროფესორი. დიდია მურმან გორგოშაძის, როგორც იურიდიული ფაკულტეტის პირველი დეკანის (1992-2006წწ.) წვლილი ამ ფაკულტეტის ჩამოყალიბება-განვითარების საქმეში. 2002-2006წწ. იგი სახელმწიფოსა და სამართლის თეორიისა და ისტორიის კათედრის გამგეა. 2008 წლიდან იურიდიულ მეცნიერებათა დეპარტამენტის უფროსი. 2009-2010 წწ. შოთა რუსთაველის სახელმწიფო უნივერსიტეტის აკადემიური საბჭოს წევრი. ფართოა მისი

სამეცნიერო კვლევის სფერო. იკვლევს სამართლის ფილოსოფიის, სამართლის ფილოსოფიის ისტორიის, საკანონმდებლო ტექნიკისა და ზოგადი ფილოსოფიის პრობლემებს. გამოქვეყნებული აქვს 40-მდე სამეცნიერო ნაშრომი, მათ შორის მნიშვნელოვანია „ტრადიციების არსი, ფუნქციები, მომავალი“ (ბათუმი, 1990), „სახელმწიფოსა და სამართლის თეორიის (სქემები და განმარტებები)“ (ბათუმი, 2002), „სახელმწიფოს ფორმები“ (ბათუმი, 2006), თანაავტორობით „იურიდიული გეოგრაფია“ (ბათუმი, 2008), „იურიდიული დოკუმენტის ცნება, სახეები და გაფორმების ზოგადი წესები“ (ბათუმი, 2009), „სამართლის ფილოსოფიის საკითხები“ (ბათუმი, 2009). მიჰყავს ლექციების კურსი სამართლის ფილოსოფიაში, სამართლის მეთოდებში, საკანონმდებლო ტექნიკის საფუძვლებსა და სამეცნიერო კვლევების საფუძვლებში.

ადამ მახარაძე, ბათუმის შოთა რუსთაველის სახელმწიფო უნივერსიტეტის იურიდიული ფაკულტეტის დასრულებისთანავე (1998წ.) სწავლა გააგრძელა ივანე ჯავახიშვილის სახელობის თბილისის სახელმწიფო უნივერსიტეტის ასპირანტურაში სისხლის სამართლისა და კრიმინოლოგიის კათედრაზე. 2006 წელს იქვე დაიცვა დისერტაცია იურიდიულ მეცნიერებათა კანდიდატის ხარისხის მოსაპოვებლად.

2004 წლიდან შოთა რუსთაველის სახელმწიფო უნივერსიტეტის მასწავლებელია. 2006-2009 წწ. ასოცირებული პროფესორი. 2011 წლიდან სრული პროფესორი. მის საკვლევ პრობლემაზე „თანამონაწილეობით ჩადენილი დანაშაული“, გამოქვეყნებული აქვს მონოგრაფია „სისხლის სამართლებრივი პასუხისმგებლობა დანაშაულში დახმარებისათვის“.

ომარ მახარაძე, ჩვენი უნივერსიტეტის იურიდიული ფაკულტეტის კურსდამთავრებულია (1996წ.): 1996-1999 წლებში სწავლობდა ივანე ჯავახიშვილის სახელობის თბილისის სახელმწიფო უნივერსიტეტის ასპირანტირაში სამართლის თეორიისა და კონსტიტუციური სამართლის კათედრაზე. 2001 წელს დაიცვა საკანდიდატო დისერტაცია თემაზე: „სახელმწიფო ხელისუფლების პოლიტიკური შტოების ორგანიზაცია საპარლამენტო სისტემის ქვეყნებში (გფრ და იაპონიის მაგალითზე)“. 2002-2005წწ. იყო ივანე ჯავახიშვილის სახელობის თბილისის სახელმწიფო უნივერსიტეტის სამართლის თეორიისა და კონსტიტუციური სამართლის კათედრის დოცენტი. 2006-2008წწ. შოთა რუსთაველის სახელმწიფო უნივერსიტეტის იურიდიულ მეცნიერებათა დეპარტამენტის ხელმძღვანელია. 2006-2009 წლებში იყო სრული პროფესორი. 2007-2010წწ. შოთა რუსთაველის სახელმწიფო უნივერსიტეტის წარმომადგენლობითი საბჭოს წევრი. 2009 წლიდან არჩეულია ასოცირებული პროფესორის თანამდებობაზე. გამოქვეყნებული აქვს 18 სამეცნიერო ნაშრომი, მათ შორის ერთი მონოგრაფია.

ექვსი ასოცირებული პროფესორი:

ომარ ფარტენაძე, 1994 წელს წარჩინებით დაამთავრა ყაზანის სახელმწიფო უნივერსიტეტის იურიდიული ფაკულტეტი. 1995 წლიდან ბათუმის შოთა რუსთაველის სახელმწიფო უნივერსიტეტის სისხლის სამართლისა და სამოქალაქო სამართლის კათედრის უფროსი მასწავლებელია. 1997-2003წწ. 1999- 2004 წლებში საქართველოს მეცნიერებათა აკადემიის სამართლის ინსტიტუტის ასპირანტი. იურიდიული ფაკულტეტის დეკანის მოადგილე. 2003-2006წწ. სისხლის სამართლის კათედრის გამგე. 2004 წლიდან იურიდიული ფაკულტეტის დეკანის მოვალეობის შემსრულებელი. 2006 წლიდან სისხლის სამართლის პროგრამული მიმართულების ხელმძღვანელი და ასოცირებული პროფესორია. 2004-2007წწ. იყო შოთა

რუსთაველის სახელმწიფო უნივერსიტეტის იურიდიული სამსახურის უფროსი. 2008წ. უნივერსიტეტის იურიდიული ოფისის ხელმძღვანელის მოადგილე. 2010 წლიდან შოთა რუსთაველის სახელმწიფო უნივერსიტეტის წარმომადგენლობითი საბჭოს წევრია. სამეცნიერო მუშაობის სფეროა სასჯელაღსრულებითი სამართალი, ადვოკატურა და კრიმინალისტიკა. ძირითადი სამეცნიერო შრომები გამოქვეყნებული აქვს სასჯელაღსრულებითი სამართლის მიმართულებით. 2009 წელს გამოვიდა მისი მონოგრაფია „თავისუფლების აღკვეთის აღსრულების ეფექტურობა.“

ლევან ჯაყელი, ჩვენი უნივერსიტეტის იურიდიული ფაკულტეტის კურსდამთავრებულია (1998წ). 2002 წელს დაასრულა ხალხთა მეგობრობის რუსეთის უნივერსიტეტის ასპირანტურა საერთაშორისო სამართლის სპეციალობით. მისი სადისერტაციო თემა შეეხებოდა საერთაშორისო სამართლის სამართალსუბიექტურობის საკითხს თანამედროვე საერთაშორისო საჯარო სამართალში. იქვე დაიცვა დისერტაცია (2002წ.) იურიდიულ მეცნიერებათა კანდიდატის ხარისხის მოსაპოვებლად. 2002 წლიდან ბათუმის შოთა რუსთაველის სახელობის სახელმწიფო უნივერსიტეტის საერთაშორისო სამართლის კათედრის უფროსი მასწავლებელია. 2003-2004წწ. ასრულებდა ამავე კათედრის გამგის მოვალეობას. 2004-2005წწ. იყო იურიდიული ფაკულტეტის დეკანის მოვალეობის შემსრულებელი. 2005-2009 წლებში სოციალურ მეცნიერებათა, ბიზნესისა და სამართალმცოდნეობის ფაკულტეტის დეკანის მოადგილეა. 2009 წელს არჩეულ იქნა ამავე ფაკულტეტის ხარისხის უზრუნველყოფის სამსახურის ხელმძღვანელად. 2006 წლიდან ასოცირებული პროფესორია, მისი სამეცნიერო კვლევები შეეხება საერთაშორისო სამართლისა და ევროპული სამართლის პრობლემებს. თანაავტორობით გამოქვეყნებული აქვს მონოგრაფია საერთაშორისო ორგანიზაციების სამართალსუბიექტურობის შესახებ. აქვეყნებს სამეცნიერო პუბლიკაციებს უცხოურ და ქართულ სამეცნიერო გამოცემებში. იკვლევს ხალხთა თვითგამორკვევისა და ინდივიდის სამართალსუბიექტურობის საკითხებს თანამედროვე საერთაშორისო სამართალში, ასევე საერთაშორისო სისხლის სამართლებრივი პასუხისმგებლობისა და საერთაშორისო სამართლის ფილოსოფიისა და თეორიის პრობლემებს.

მაღლაზ ნაკაშიძე, ჩვენი უნივერსიტეტის იურიდიული ფაკულტეტის კურსდამთავრებულია. 1999-2006 წწ. იურიდიული ფაკულტეტის მასწავლებელია, 2006-2010წწ. ასისტენტ-პროფესორი, 2011 წლიდან ასოცირებული პროფესორი. 2010 წელს ივანე ჯავახიშვილის სახელობის თბილისის სახელმწიფო უნივერსიტეტში დაიცვა სადოქტორო დისერტაცია და ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის სადისერტაციო საბჭომ მიანიჭა სამართლის დოქტორის ხარისხი. გამოქვეყნებული აქვს სახელმძღვანელო არაიურიდიული სპეციალობის სტუდენტებისათვის „საქართველოს კონსტიტუციის საფუძვლები“ (ბათუმი, 2006) და არაერთი სამეცნიერო სტატია, რომელთა შორის აღსანიშნავია „საქართველოს საკონსტიტუციო სასამართლოს გადაწყვეტილებების აღსრულების პრობლემები“; „საკონსტიტუციო სასამართლოს მოსამართლის განსხვავებული აზრი და მისი მნიშვნელობა“; „მმართველობის ნახევრად საპრეზიდენტო სისტემის ცნება და კლასიფიკაცია“. მონოგრაფია, „რუსული პასპორტები და რუსეთის ფედერაციის მოქალაქეობის საკითხი საქართველოს კონფლიქტურ რეგიონებში“ და სხვა.

სოლომონ მენაბდიშვილი, - 2001 წელს დაამთავრა თბილისის სახელმწიფო უნივერსიტეტი 2008 წელს მიიღო მაგისტრის ხარისხი როტერდამის ერასმუსის უნივერსიტეტისაგან (ჰოლანდია) ბიზნესის, საკორპორაციო და გადაზიდვების სამართლის მიმართულებით. 2012-2013 წლებში ფონდი ღია საზოგადოების დაფინანსებით დარამის უნივერსიტეტში (გაერთიანებული სამეფო) იყო მოწვეული მეცნიერი. აღნიშნულ პერიოდში განახორციელა კონკურენციის სამართლის სილაბუსის განვითარება და კვლევები სადისერტაციო თემაზე. 2015-2016 წლებში ლონდონის უნივერსიტეტის მეფის კოლეჯში გაიარა სასწავლო კურსი კონკურენციის სამართლის ეკონომიქსში. იყო დაადის და მაქს პლანკის სტიპენდიანტი. 2016 წელს დაიცვა სადოქტორო თემა თბილისის სახელმწიფო უნივერსიტეტში. 2011 წლიდან ეწევა აქტიურ პედაგოგიურ საქმიანობას უმაღლეს სასწავლებლებში და ასევე ახორციელებს კვლევას კონკურენციისა და მომხმარებელთა სამართლის მიმართულებით. გამოქვეყნებული აქვს ოცამდე სამეცნიერო და საკონფერენციო ნაშრომი, მათ შორის მონოგრაფიაც. ინტერესის სფეროში შედის კონკურენციის სამართალი, მომხმარებელთა სამართალი, სამეწარმეო, ვალდებულებითი და სახელშერულებო სამართალი.

პაატა ხოტენაშვილი - 1996 წელს წარჩინების დიპლომით დაამთავრა მეცნიერებათა აკადემიის სამართლის ინსტიტუტთან არსებული თბილისის ჰუმანიტარული ინსტიტუტი (იურიდიული ფაკულტეტი). 1999 წელს დაამთავრა თბილისის დასავლურ ენათა და კულტურათა სახელმწიფო ინსტიტუტის საღამოს განყოფილება ინგლისური ენის სპეციალობით. 1996 – 1999 წწ სწავლობდა სამართლის ინსტიტუტის ასპირანტურაში სამოქალაქო სამართლის სპეციალობით, შემდგომში სწავლა გააგრძელა თბილისის სახელმწიფო უნივერსიტეტის დოქტორანტურაში სადაც 2016 წელს დაიცვა სადოქტორო დისერტაცია თემაზე „საბანკო გარანტიათა სამართლებრივი საპექტები“. 2007-2008 წელს აშშ სახელმწიფო დეპარტამენტის ედმუნდ მასკის პროგრამით სწავლობდა აშშ წყნარი ოკეანის ინსტიტუტის მაკ-ჯორჯის სამართლის სკოლაში სადაც მიებიჭა საერთაშორისო ბიზნეს სამართლის მაგისტრის წოდება (ინ თრანსნაციონალ უსინესს რაცტიცეს). პარალელურად 1994 წლიდან ეწევა პრაქტიკოსი იურისტის შრომით საქმიანობას - ჯერ საქართველოს ეროვნული ბანკის იურიდიული სამმართველოს წამყვანი იურისტის, შემდგომ ამავე სამმართველოს ერთ-ერთი განყოფილების უფროსის და 1999 წლიდან ამ სამმართველოს უფროსის თანამდებობაზე. 2005 წლიდან დაკავებულია კერძო საადვოკატო პრაქტიკით. არის საბანკო სამართალში არაერთი გამოკვლევისა და სტატიის ავტორი, აქტიური მონაწილეობა აქვს მიღებული საქართველოს საბანკო კანონმდებლობის შექმნაში. 2018 წლის სექტემბრიდან ბათუმის შოთა რუსთაველის სახელობის სახელმწიფო უნივერსიტეტის ასოცირებული პროფესორია

გივი აბაშიძე - 1975 წელს დაამთავრა თბილისის სახელმწიფო უნივერსიტეტის იურიდიული ფაკულტეტი, სამართალმცოდნეობის სპეციალობით.

1975 წლის ოქტომბრიდან 2003 წლის ნოემბრამდე მუშაობდა პროკურატურის ორგანოებში სხვადასხვა ხელმძღვანელ და პასუხსაგებ თანამდებობაზე, 2003 წლის ნოემბრიდან დაინიშნა აჭარის ა.რ. უმაღლესი სასამართლოს მოსამართლედ და სისხლის სამართლის საქმეთა სააპელაციო პალატის თავმჯდომარედ.

ჩაბარებული აქვს პროკურატურის მუშაკთა და მოსამართლეობის საკვალიფიკაციო გამოცდები, დაჯილდოებულია ღირსების მედლით, მინიჭებული აქვს იუსტიციის უფროსი მრჩეველის საკლასო ჩინი.

გივი აბაშიძემ 2012 წლის 31 მარტს დაიცვა სადოქტორო დისერტაცია თემაზე: „პროკურორი გამოძიების სტადიაზე“. ამჟამად რუსთაველის სახელმწიფო უნივერსიტეტში ეწევა პედაგოგიურ და სამეცნიერო საქმიანობას. კითხულობს ლექციებს სისხლის სამართლის მიმართულებით. არის ასოცირებული პროფესორი.

სისხლის სამართლის საპროცესო კანონმდებლობის აქტუალურ საკითხებზე გამოქვეყნებული აქვს ათი მონოგრაფია (წიგნი), აქედან ოთხი სახელმძღვანელო (ორი თანაავტორობით) უმაღლესი სასწავლებლების იურიდიული ფაკულტეტის სტუდენტებისათვის, საერთაშორისო სამეცნიერო ჟურნალებში კი სამოცამდე სამეცნიერო სტატია.

მონაწილეობა აქვს მიღებული არაერთ საერთაშორისო და ადგილობრივ სამეცნიერო კონფერენციებში.

არის რამდენიმე საერთაშორისო რეცენზირებადი და რეფერირებადი სამეცნიერო ჟურნალის სარედაქციო კოლეგიის წევრი.

2016 წლიდან არის საქართველოს იურიდიულ მეცნიერებათა აკადემიის და ა(ა)იპ „სამართლის მეცნიერთა კავშირის“ წევრი.

2014 წლის ნოემბრიდან არჩეულია ბათუმის შოთა რუსთაველის სახელმწიფო უნივერსიტეტის წარმომადგენლობითი საბჭოს წევრად.

ხუთი ასისტენტი:

კახა ფალავანდიშვილი, 1996 წელს დაამთავრა ჩვენი უნივერსიტეტის იურიდიული ფაკულტეტი. 1996-1997წწ. ამავე უნივერსიტეტის იურიდიული ფაკულტეტის სამოქალაქო სამართლის კათედრის ლაბორანტია, 1998-2006წწ. მასწავლებელი, 2006 წლიდან ასისტენტ-პროფესორი. იგი ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის დოქტორანტია. იურიდიულ მეცნიერებათა დოქტორ ბესარიონ ზოიძის ხელმძღვანელობით იკვლევს საკუთრების უფლების წარმოშობის საკითხს უძრავ ნივთებზე. გამოქვეყნებულ სამეცნიერო შრომებს შორის აღსანიშნავია: „საკუთრების უფლების წარმოშობის პირველადი საფუძვლები“; „სახელმშეკრულებო თავისუფლების პრობლემა სამოქალაქო სამართალში“; „სახელმშეკრულებო სამართლიანობა“.

ანზორ მახარაძე, 2006 წლიდან შოთა რუსთაველის სახელმწიფო უნივერსიტეტის ასისტენტ-პროფესორია. დაამთავრა ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი. 1995 წლიდან ამავე უნივერსიტეტის მართლმსაჯულების და საპროკურორო ზედამხედველობის კათედრის ლაბორანტია, ხოლო 1997-2005წწ. სისხლის სამართლის პროცესის და კრიმინალისტიკის კათედრის მასწავლებელი. მისი სამეცნიერო კვლევის სფერო სისხლის სამართლის პროცესია. მუშაობს „დაზარალებულის ინსტიტუტზე სისხლის სამართლის პროცესში“. გამოქვეყნებული აქვს სამეცნიერო ნაშრომები სხვადასხვა რეფერირებად ჟურნალებში. არის თბილისის ეკონომიკურ ურთიერთობათა სახელმწიფო უნივერსიტეტის სამართლის ფაკულტეტის დოქტორანტი სისხლის სამართლის მიმართულებით. წარდგენილი აქვს სადისერტაციო ნაშრომი სამართლის დოქტორის აკადემიური ხარისხის მოსაპოვებლად.

ირაკლი აბაშიძე, 2006 წლიდან იურიდიულ მეცნიერებათა დეპარტამენტის მასწავლებელია. 2009 წლიდან ასისტენტ-პროფესორი. 1999 წელს დაამთავრა ივანე ჯავახიშვილის სახელობის ბათუმის სამართლის ინსტიტუტის იურიდიული ფაკულტეტი. 2006 წლიდან ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის დოქტორანტია სისხლის სამართლის პროცესის მიმართულებით. მუშაობს სადისერტაციო თემაზე სისხლის სამართლის პროცესში. მისი კვლევის საგანს წარმოადგენს მოწმის იმუნიტეტი. სისტემატიურად აქვეყნებს სამეცნიერო ნაშრომებს, გამოძიების, ბრალდების, პროკურორის ფუნქციების საკითხებზე აღსანიშნავია მისი გამოკვლევა „პროკურორი წინასწარი გამოძიების სტადიაზე“.

არმაზ კახიძე, 2004 წლიდან ბათუმის შოთა რუსთაველის სახელმწიფო უნივერსიტეტის მასწავლებელია, 2006-2009 წწ. ამავე უნივერსიტეტის სოციალურ მეცნიერებათა, ბიზნესისა და სამართალმცოდნეობის ფაკულტეტის ასისტენტ პროფესორი. 2012 წლიდან იგი კვლავ იქნა არჩეული ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა, ბიზნესისა და სამართალმცოდნეობის ფაკულტეტის ასისტენტ პროფესორად. მუშაობს საერთაშორისო სამართლის პრობლემებზე. იკვლევს სახელმწიფოს იურისდიქციული იმუნიტეტების საკითხებს საერთაშორისო კერძო სამართლებრივ ურთიერთობებში. არის ავტორი შრომებისა: „პარლამენტის ორპალატიანობის (ბიკამერალიზმის) როლი და ადგილი სახელისუფლებო შტოთა სისტემაში და ქართული საკონსტიტუციო ცვლილებები“ (თანაავტორობით); „საერთაშორისო მთავრობათშორისო ორგანიზაციების საერთაშორისო სამართალსუბიექტურობის თანამედროვე თეორიული და პრაქტიკული ასპექტები“, ბათუმი, 2006 (რუსულ ენაზე, თანაავტორობით).

დავით გაბაიძე - დაამთავრა ჩვენი უნივერსიტეტის იურიდიული ფაკულტეტი 2002 წელს. იყო ადვოკატი 2002-2014 წწ.

2002-2012 წწ. მასწავლებელი, მიწვეული სპეციალისტი, ბათუმის შოთა რუსთაველის სახელობის სახელმწიფო უნივერსიტეტის იურიდიულ ფაკულტეტზე.

2011-2012 წწ. იურიდიული კლინიკის კოორდინატორი.

2012-2014 წწ. აჭარის ავტონომიური რესპუბლიკის მთავრობის აპარატი, იურიდიული დეპარტამენტის უფროსის მოადგილე,

2014-2016 წწ. აჭარის ავტონომიური რესპუბლიკის მთავრობის აპარატი, იურიდიული და ადამიანური რესურსების მართვის დეპარტამენტის უფროსი.

2016 წლიდან აჭარის ავტონომიური რესპუბლიკის უმაღლესი საბჭოს თავმჯდომარე.

გრიგოლ რობაქიძის სახელობის უნივერსიტეტის დოქტორანტი. სამეცნიერო მუშაობის სფერო, ადმინისტრაციული სამართლის აქტუალური საკითხები.

აკადემიურ პერსონალთან ერთად იურიდიული დეპარტამენტის წინაშე დასმული ამოცანების განხორციელებაში აქტიურად მონაწილეობენ:

მოწვეული სპეციალისტები: იზო ავალიანი, ლინდა შალამბერიძე, დავით კეკელიძე, ოთარ გოგოლიშვილი, არჩილ ვარშალომიძე, ხათუნა ბოლქვაძე, ანზორ უსტიაძე, დავით სამნიძე, ნიკა მეგრელიშვილი, ხათუნა ინაიშვილი, რაჭელა ხიმშიაშვილი, გიორგი მიქელაძე, ვიოლეტა ფურჩხიძე, ირინე ურუშაძე, გიგა ფარტენაძე,

ლევან ლორთქიფანიძე, ცირა კომახიძე, ჯუნა კიტაზბა, მათა ხაჯიშვილი, ნინო წულუკიძე, იოსებ შოთაძე, ნარგიზ ცეცხლაძე, ხათუნა მურადიშვილი, მამუკა ზოიძე, ედიშერ ფუტყარაძე, ლაშა-გიორგი კუტალია.

დეპარტამენტის სპეციალისტი – ინგა ბოლქვაძე.

მდივანი - ლამზირა ფაღავა.

სამართლის დეპარტამენტის სრული შემადგენლობა, აცნობიერებს რა მის წინაშე მდგარი ამოცანის მნიშვნელობიდან გამომდინარე პასუხისმგებლობას, ცდილობს საკუთარი წვლილი შეიტანოს ბათუმის შოთა რუსთაველის სახელობის სახელმწიფო უნივერსიტეტის მისიის განხორციელების საქმეში.

სამართლის დეპარტამენტის ხელმძღვანელი

ასოცირებული პროფესორი

ომარ ფარტენაძე

15. 11. 2018